

芝軒逸筆

溫州府 印 不 飲

芝軒逸草

芝軒逸草

紀况

東嘉王崇勳心一氏著



身在塵中却不塵說來佳况頗津津好將山水尋知
已常藉詩書抵富人十畝兒耕無儉歲一樽我醉有
長春等閒識得刀圭術抱養天和欲入神

江心懷古

黃撫臺觀風

屹屹仙山峙北濠不緣人世共滔滔常看鵬背天將
下猶見鰲頭地獨高謝客風流惟片石文山辛苦一
江濤浮沉自古原無定柱砥中洲此更奇

大落雲霞照客巾，超然劃斷世間塵。
長江潮汐流今古，雙塔東西遞主賓。
閣上清暉猶潑墨，樓高正氣欲生人。
由來此地尋幽賞，好向天河與問津。

秋月

習習風涼起翠微，今宵免闕滿清暉。
落來冷露留珠珮，過去纖雲^{見有}衣地白。
陰無蘿樹影，天清香有桂花飛。
主人愛客仙仙醉，緩步長沙午夜歸。

菜花

一騎紅塵動驛騷，波頭花滿縱由教。
逢天畫日圍金甲，大地春風入御袍。
香逐雲黃連海岱，英流月色燦

波濤石象步障開成錦，擬向東籬與醉陶。

壽林外史七旬初度

振鐸南來向浙東，婆婆老壽最希逢。
長年栖息仙人

洞^{學宮地即容成子洞}大道宣揚，夫子宮齒頰半言飛。
化雨鬚

眉一段，扇春風自嫌芹藻無為壽，漫寫新詩寄碧筒。

雲居覽興

下未春到此聚徒授業地在章安五十四都

一篙撐渡碧溪流，步入精藍境轉幽。
花趁嵐香飛撲座，雲移月影過當樓。
清池天倒翻紅尾，綠樹風來喚白頭。
漫說名山僧獨佔，却教風味與平收。

雲居樓中

盤踞樓頭絕點埃，輕風飄拂我長鬚。
燕飛兩目穿雲去，蜂躍雙眉撲霧來。
古佛臺前香一瓣，奇書座上茗多杯。
燈花夜雨生清思，贏得新詩仔細推。

村前春望

山流竹翠叫倉鷓，開遍鶉花雨乍晴。
籬落茶青牽婦摘，溪畦水白叱牛耕。
呼野渡灘頭立，童荷乾柴嶺上行。
兩岸人家烟樹裏，放歌朝暮綠雲橫。

雲居鄉思寄舊日學徒

郵亭一爰向南馳，渺渺參商別後時。
盼盡樓頭雲外想，請殘燈下雨中思。
故鄉風月留魂夢，異地烟花付

酒卮

寄語從游知我者，芳春端莫漫差池。

觀瀑

碧流百尺落巖扉，點點青苔洒翠微。
縹緲仙人輕鶴筆，清冷道客薄雲衣。
水晶宮裡珠簾捲，玉洞門前桃瓣飛。
我亦御風飄海岳，九秋時見雨霏霏。

溪山深處樂無涯，峭壁晴空列彩霞。
渡下人間銀漢水，飛來天上碧桃花。
幽情重見尋劉阮，雅調還須操伯牙。
酒洒瓊漿因共醉，相觀誰道不仙家。

秋思

溪山寂寞獨登樓，景物何年是故丘。
颯颯一林風木

晚蕭蕭滿地蓼莪秋白雲竚望千峰頂明月懸看萬
樹頭心事滿腔悲蟋蟀拚將淚眼付東流時居父喪
井梧一葉忽驚秋商意偏多動客愁天外白雲飛渺
渺門前碧水去悠悠風吹蟬瑟鳴高樹雨打螢燈過
夕樓睡覺入簾殘月影蕭蕭清夢到家丘

雲居漫興

水碧山明又一村宮雉樓閣倚雲根鼓鳴下下人祠
廟犬吠聲聲客到門戲沼饒魚吞月餌停枝懶蝶夢
花魂閒來喜畢諸生課贏得清清夜氣存
寂歷山間與世分清機轉覺自欣欣蝶衣日下栖青

草燕剪風高入翠雲一酌獨憐花共醉數彈猶憶水
相聞紅塵漫且開青眼妙處從來不可云

贈村前張處士

老婦縫裳子曳薪皤皤毛髮樂天真雲霞世外多知
已風月山間舊主人抱膝微吟希太古開尊一醉傲
長春方村自在乾坤大不彼烏紗換葛巾

雲居漫興

寒瓊一幅借禪房渺渺雲飛隔故鄉讀罷孤燈留暗
壁夢殘冷雨打幽窗池塘水滿蛙聲碎簾幙風高燕
羽忙浪借栽花成獨賞幾回翔步月如霜

朝炊雲霧暮餐霞兩岸烟村落幾家雨過桑根營蟻
國日高簷屋散蜂衙樵人渡水都浮竹牧豎騎牛亂
插花延竚溪頭春色好偶從野店聽琵琶

雁山大龍湫觀瀑

泉流挂壁片雲籠勝地尋遊北雁中烟滴露珠聯上
下雨飄風陣過西東天長垂鼻龍冲水井冽斜鬚日
射虹千萬落波銀瑣瑣懸河若瀉倒凌空迴丈
屏嶂團圍積翠微泉流百丈見氤氳乍驚天上三分
雨遙指峯頭一片雲倒瀉明河光濕濕飛來涼月白
紛紛蹲巖兩腋清風起我欲騎龍便出群

天柱中秋玩月

醉我葡萄意轉深人生見月古來今蟾飛海上雲千
朶桂落山間樹一林頭角有天皆是水眼前無地不
成金相觀誰共靈槎約獨對清風望闕吟

送徽州吳商人

偶為嵯運入甌東又唱驪歌別恨匆篆秘金刀留月
樹畫傳羽扇渡江風腰纏十萬隨歸鶴履路三千隔
斷鴻待得來年春意好客星還照夜窗紅

錢塘觀潮

時乙卯鄉試

許誇聖手射江潮水漲西風吼碧濤雷鼓齊鳴連地

動龍門初起躍天高移來鰲背三山近激起鵬程萬
里遙破浪乘風吾輩事偏於險處見人豪

錢塘江舟中

錢塘江上覓行舸夜月中流發浩歌擊棹恰當秋水
滿揚帆更值順風多跨來白馬嘶銀浪飛過長鯨吼碧
波我憶錢王奇伯略英風萬弩快何如

靈隱寺

一道林泉抵上方名堯古殿鬱蒼蒼飛來海上神仙
島透出巖中日月窗白晝松陰隨地綠清秋楓葉半
天黃遊情到此無休歇名勝邀尋白玉堂

花神廟

花滿長隄照眼新六橋宮裡謁花神香分丹桂雲中
客巧奪奇葩天上人御苑有書催五夜河陽滿地放
三春當年九烈君猶在千里湖山正好尋

客館秋夜

涼生風樹髮颼颼林幕輕烟帶雨收一搗新香花著
桂半窗清影月來秋酒惟醉我我因醉地似留人人
故留天外數聲鴻陣過仰看飛字碧雲頭
客村秋半葉飛聲抱膝吟來白裡情雲氣纖纖排夜
雨河光點點燭天星微茫篝火林中見嘈雜花甌隔

水鳴搔動髮根長短事劇宜千酒話平生

平居以仙學自喜奈缺法財以備爐鼎書此寄

慨四首

屢學仙人道未成笑看蝸角弄虛名秋來月色家家
好春透花光面而生長袖善藏飛劍術高山誰聽鼓
琴聲寸心不墜登天志幾日財臨太白明

掃空心地一無塵瀟洒鬚眉不啻春買醉何妨攜酒
伴尋芳正喜覓花人休嗟紙上功名薄却愛園中日
月新直坐天風露靜迢迢海上看雙輪

劈面游絲勿問渠挑燈密室慕仙書羨余每負屠龍

技底事空成待免株滿眼鉛華春不少幾年壚灶望

全虛神州尊長何時遇莫腐東嘉一老儒

東方有術擅奇情三尺須知喙不鳴眼底空來雲富

貴床頭醒去夢功名遙從海角天涯想清向花朝月

夜行辨此亦同人世事書生何必不飛昇

己未天柱山房禱感六首

世局何由可問津薰蕕殊臭總非倫鑄金弗惜三緘
口污白常憂一扇塵雲去雲來無定相花開花謝不
長春攜筇且看崖前瀑山水猶堪作故人

瞬息春秋半百過殘編一手耐如何科名盡是邯鄲

夢第宅誰非螻蟻窠飲酒簪花空跳躍行雲步月且
蹉跎悠悠海岸天風起恨不超身上碧羅

百歲茫茫一隙駒心長髮短歎非誣生早結契人多
少半世功名事有無疲盡元神徒故紙擡空兩目只
貧儒何如拂塵談天地坐我山中八卦圖

落拓文場五十年臣今老矣不爭先戰殘蝸角都蠻
觸暮入羊唇亦蟻羶一夜清風花事老半天紅日筆
峰鮮掉頭欲奪函關氣不是從前得免筌

半歲逡巡雀鼠間世望險仄逼幽巖問心惟有蒼蒼
帝避俗還居窈窕山咬破網編蟬未能蒔來花圃棘

多刪而今癖意營三島笑取神仙一味閒

無端秉鐸立高

知音悵不逢搗就稽模應自

笑哉成桃李為誰容門中爭得無題鳳壁上相看有
畫龍不復芸人重舍已收子翠黛作喬松

山舍消閒詩十二首

照破浮塵一鏡空黃眉老我醉春風奇爭筆陣非長
策妙潢心樞有化工上下紫霞豐乃羽昂藏朱戶臭
于銅當胸不禁壺天濶笑指花開滿院紅

詎余名弗在丹臺世網胡為輓不開只有形軀難擺
脫非闕面目太癡呆千層華屋人間郵十席膏梁墓

上杯了却尚年兒女債我師康節聽鳴雷

孤窗兀坐夜

冥與北冥提筆書之無法

帖焚檀讀罷是仙經人緣

局如雲任

所更曾記當壚沽酒事風流司馬困旗亭

抱膝長吟

宙有風雷佯為面目嬰兒

戲勿鑿心軀混沌開滿腹

重金注抑

何來英雄事業浮雲耳不上雲臺便釣臺

生平獨癖愛林

營營羈俗緣娛我詩書無了

日勺人花草幾多年拂衣自此忙雙履掛杖于今有

一錢門外蕭蕭隨所去數家雞大白雲邊

斗酒金錢索解愁拈花一上晚風樓扶搖海角空鸞

鶴來往天涯見馬牛夢過飄殘蝴蝶幻吟餘惹起螻

蛄秋索囊耳目身如寄醉裡題詩到瀛洲

落落無舊塾中情寒酸不耐走紅塵兵爭蝸角無多

地花笑蟠桃有大春世外乾坤誰作主山中日月我

為賓守雌不向時人說飛去長空駕赤鱗

五十年來忽忽秋未知辛苦有何酬畝田未負顏淵

郭巾幘空遮元亮頭草就太玄非附莽書遺玉素不

封留清風明月還相憶翹首天門望斗牛

一番心緒最痴愚玄牝門中物有無恐探驪珠同整

粉肯隨豕蝨并焦枯升堂窺見三山誌斗室搜尋五
嶽圖春色當前隨處好桃花爛熳是仙都

無價明珠七尺身冲和一意保長春刺睛世路何多
棘聒耳凡囂不耐塵返照園中高日月回旋洞裏別
星辰清風浩浩頰來往如見笙簫鶴背文

奄奄悔却失東隅半百年光已過駒傀儡一棚傳利
藪枯槩數着戰名塗奇文遜與新才子重貝交還偉
丈夫箇裏乾坤吾自得兒童且莫笑狂徒

茅堂莫結萬山巔太乙明觀天上文赤氣蒸成雲外
夢清風飄出壳中蟬未知烟霧來何日豈記親朋別

幾年有客鶴車同上下十洲三島看花旋

寄友人二首

閒堂望客細吟哦頃刻烏飛兔亦過栖鳳只於梧竹
可遊龍爭那雨雲何胸中山水援琴少皮裏春秋摺
筆多鬚髮蒼蒼心未老一番真氣射山河

未曉人間態百千童真一袖笑嫣然塵驅錢眼遮長
道霞蔚文心秀遠天束髮鑽書無改盡禿頭煮汞尚
求鉛清風林下如相訪不是詩仙即酒仙

寄樂成瑤川朱匡如同志

君亦不來我不往多為相隔少相親彈琴月落江山

老拂塵花開天地春白雪爐中同一笑黃金海外豈
無因身前身後幾多地歐北歐南若箇文

寄樂成芙蓉林李榮處士

白鹿城中別恨濃幾年無地接芳踪雲留白石仙臺
古水漲清江天塹重映日鬚眉聞似鶴臨風杖履想
猶龍重開懷袖知何日還叩奇山百二峰

咏懷

面目衣冠畫作痴寸腸那得幾人知江天已著孤鴻
賦海岸空傳歸燕詩杜老經書題卷後楊公清白貽
孫枝山中不少神仙跡世外滄桑曷問之
宋廬思道
遷武陽太

守非其志也作孤鴻賦以寄其情唐章孝標下第
作歸燕詩上知舉用杜進聚書萬卷每卷後題云
清俸寫來手自校子孫讀之
知聖教驚及借人為不孝

崇文精舍

海安蔣氏書塾丁
卯初館于此授徒

清齋寂寞意深深左占圖書右擺琴一點墨留天道
秘半窗燈照古人心雨催蛙鼓聲多開月晒花臺香
有陰自笑一生山水癖慢希楊子學談經

菜花

雲飛海上潑黃埃菜陌春濃豔冶開秀漫堯田嬌似
桂光飄禹甸色如槐神仙女几從天降富貴姚家慕
地來惹得吳公騶跳躍長安何似慢徘徊

紅葉

經霜老樹最精華
葉葉紛披不翅花
醜我林間如對酒
冶人天半欲餐霞
云云符蛭真如有
剪剪桐圭戲可加
影照斜陽多好興
小春春色遍山家

挽吳貞女

鹿城人許姻白門霞障姓林者未娶夫卒奔喪守志孝養老寡惟小姑是伴五載俱殞

久仰延陵一劍存
誰知巾幗更堪論
分鸞已去空霞障
孤燕何來守白門
燈下小姑風雨夜
庭前老叟鶴梅村
葦砧何處能相見
剖得冰心赴九泉

挽陳貞婦

龜山族清初披海寇掠北乳孩拋地夫不得面十指爬地俱靡眼中流血

被賊碎肌而死

妖氛猖突掠清關
伏節完貞自秉彝
無地可容遺塊肉
有天不見撤儂皮
痛枯滴瀝雙睛血
慘斷并躄十指劇
一及江頭肝腦裂
千金羞殺贖文姬

挽梅岡冷必翔中表

未了英雄恨
怎吞黑風吹到地
天昏倉忙先櫬歸
龍耳拋落兒雛冷
燕門海岸不留孤
鶴影岡頭誰夢老
梅魂倘還把臂芙蓉友
也當翺翔在世論

慰同坊張處士被盜

大度相觀且放顰
塞翁得失語猶新
跨來梁上無君

子探入虜頭有小人飽欲未聞盜跖富清風不厭伯
夷貧腹笥到底難拖去剩有金珠過早春

戊辰春闈友人余次鹽中選書榜因燈蕊燃卷

下第書以慰之

炳炳才交五鳳樓恰當臺閣唱名流人間金粟無心
墜天上珠蕊有意收幃榻不嫌磨鑄硯風霜何畏敵
貂裘緣知高待梁公第未及雍熙已狀頭

北山亭

絕勝蓬壺海上遊神仙柱石壯金甌天空鸞鶴三千
界地滿笙歌十二樓白水青山開錦障藍田黃石麗

丹邱烟村暮布人間世高踞東南第一洲
亭臺盤踞翠雲邊誰駕香車上碧天換去山中真宰
相飛來海上活神仙稽留一息乾坤郵吟嘯千秋風
月篇名利驅人何日了空遺丹鼎自年年

辛未歲飢不堪和場宰許晴在公原韻

貧卿乞貨向誰家莊叟枯魚一例嗟百室掃空無地
步諸兒賣去走天涯樗同老樹鳩形苦殍比荒園菜
色加腸斷不勝鴻雁賦嗷嗷何啻哭長沙

登高一望萬千家多半塵生釜底嗟誰效禁烟甘死
節勉將乞食作生涯綿衣典盡絺衣賣米價高騰麥

價加滿望苕梁秋大有免教餓骨覆泥沙
糊口何方屬我家聯朝零雨起長嗟官前腰折生無
補室裡琴鳴樂有涯半寂寞門誰得飽一簞高士更
何加清風都作西山餓悶把金錐畫地沙
脫然無累獨仙家不為塵凡烟火嗟辟穀已經綿永
箕黠金尤得濟無涯厨通香積雲邊供飯有胡麻座
上加一自雞鳴天上後丹砂不見見風沙

崇文塾中夜坐不寐

值辛未歲飢

空帷牢落坐書城清夜寒生百感爭細雨半簾燈下
字新奮十畝腹中耕齋空餓鼠成群走天白荒雞纔

一鳴焉得刀圭能入口微軀毋得弄三彭

雁字三首

鴈陣橫秋碧影長江村一幅大文章驚才幻寫烟雲
裡老筆新題日月旁照水形模依楷正稱風體勢落
顛狂還應寄我天邊信帶得仙書有幾行

風高江閣盼穹廬一陣多情是太虛展語雲頭欣絕
妙題詩天才意何如差池老婦沙中畫歷落孤臣海
外書漫擬當空摩詰法月臺須借婦人車

十二樓臺路八千聊書數字妙難傳花間天上蘭亭
本雲朵空中郇氏箋摩畫不驚仙挾彈排行猶送客

揮絃紅塵若問丹青事今古茫茫寫不全

過半山庵看僧頽庵奕棋

地迥天高日月過山中一局事如何尋仙真隱疑藏
樞出世寄踪欲爛柯黑白高低憑指點天斜殺活看
風波手談代塵天花落不二宗門入妙多

賦得漁婦曉粧波作鏡

生來澤國嫁浮家早起船頭試整鴉淡抹西湖開粉
靨淨磨楊子照菱花一堆螺髻江心影滿幅湘裙水
面斜粧罷魚沉天上下飄然河女沉靈槎
盡日烟波理釣絲倩聞不少靚粧時憑窺水上桃花

面借掃灣頭柳葉眉誰謂津姑懷妬忌任他河伯笑
妍媸天公嫁我香奩處何乃知章乞所私

青銅十里盪磨船好個凝粧一婦仙江上芙蓉多蘸
水天邊鴻雁共沉瀾引釵珠綴鮫奩國擁髻油盤龍
鳳年洋買菱花無不有誰知空是贈伊船

紅顏江上倚扁舟霧鬢雲鬟帶晚修勻黛低垂香滅
水揀花斜照錦沾流烟清銀海多含笑風定金波一
掃愁知爾沉魚同作態妝成窈窕渡河洲

賦得山僧晚課月為燈

拜經臺上日西卷那借長繩繫碧峰玉兔當山禪韻

冷銀蟾掛壁佛香濃翻飛桂影蜂粘字敲動珠林鶴
起鐘誰是傳衣中夜裡待看門外覓真宗

一輪皓魄四山中梵唱清清散碧空誰在珠林翻貝
葉還開鹿苑對蟾宮修持不笑茶毗黑光影長摩金
粟紅我欲攤經尋覺岸傳燈指月兩圓融

清夜涼生起法科高松圓月挂婆娑光清舍利散花
佛暈冷蝦蟇眠呪魔一磬上方鴉樹動瓣香禪室鼠
油拖敲門欲問瞿曇老蘆荻叢中字有麼

高懸碧漢有長明持誦金科趁晚晴散徹林光經一
卷團來桂影佛千聲空山鐘磬浮蓮社滿院楞伽隱

化城坐透蒲團明似畫松顛老鶴過飛鳴

楊公駐鶴亭

南嶽雲浮五色鮮千年盛事望高天錦屏峰上丹砂
熟鰲局洲中甲第聯伯仲文章無道德門庭富貴更
神仙當初豈授陶公訣莫使前賢畏後賢

大道為家絕世氣千年丹鼎尚留芬蕭梁故舊通玄
虎霹靂真仙望綵雲開遍山花黃石老陰流壇樹玉
臺文霞明峰上知何事無數神仙話夕曛

福地堂皇拜至真華陽亭館照千春風吹松洞靈旗
捲雨打花臺藥鼎陳十萬揚州多駐鶴尋常采石欲

飛鱗眼前一道神仙路踏盡東西南北人

靈壇寶鼎百香焚無數清光照夕曛滿幅稻畦青作
霧一臺松岫綠生雲風清鸞鶴天邊過月白笙簫洞
裏聞萬戶林林歸鎖鑰衢歌華祝遍人羣

拄杖怡然到此間詩狂酒伴亦開顏一壺天地非云
小半辟蓬瀛不是怪去去何方尋洛社來來此處覓
香山暫留明月清風下倘得仙翁語大還

年來少息浪遊踪倦作凡間一老傭戴粒長途忙走
蟻迷花小院亂穿蜂漫天空自飛烏兔西地誰為抱
虎龍回首登遐千載事鏗然如响碧天鐘



不

赫赫當空有至神世間誰辨假和真萬家烟火雲拖
地千里江山月照人飽終不營三窟富清風且耐一
簞貧到頭難脫惟天網理數相看若轉輪
偶來箕踞浪風顛說與人間恐不寒吹到風花如醉
道飄來雲鳥欲飛仙天將笑我投壺老地已爛他觀
奕年一息乾坤無羈馬誰非嚇鼠慕腥羶

閨怨 嵌干花名

繡毬場裏戲誰家把瑞香囊贈已賒金鳳宮鞋羞學
步玉簪蓬鬢懶盤鴉長春那得忘憂草良夜空憐含
笑花眉皺不堪描木筆杜鵑血染石榴

杜鵑聲裡忘忘憂冷落長春刺繡毬寶髻誰堆金鳳
翅雲鬢不整玉簪頭石榴照眼添紅淚木筆題詩寫
綠愁還把瑞香相贈否可能含笑再含羞

門掩長春花滿溪幾翻紅雨杜鵑啼繡毬強作忘憂
刺木筆佯為含笑題佩失瑞香誰與贈鏡飛金鳳不
同栖玉簪斜插烏雲鬢恨石榴紅映水西

前題

散十六花名

金鳳莢尖刺繡毬長春紅雨杜鵑愁瑞香空熟薰蓮
幕木筆停描倚杏樓含笑新詩誰與遞忘憂芍藥孰
相投玉簪蓬鬢凌霄望淡漠梨花開石榴

不

珊珊金鳳玉簪頭紅淚新詩怨石榴漫把瑞香含笑
解空提木筆寫忘憂梨花院裡荒蓮步芍藥亭邊冷
繡毬坐對凌霄丈杏樹長春還聽杜鵑愁

石榴掩淚杜鵑愁迷望凌霄杏滿樓木筆新詩空汎
葉玉簪金鳳懶粧頭未能含笑歸蓮幕那得忘憂刺
繡毬燒盡瑞香評芍藥長春梨花院戲鞦韆

中秋海城玩月并到龜山覽劇

皓魄寒光照昊穹主人坐宴碧天中凝眸欲逐飛蟾
影撲鼻如聞落桂風河淡城頭排夜雁露濃草際叫
秋蟲更從菊部梨園過恍見蛾行舞月宮

元旦 壬申歲稔

衣冠文物粲瞳矐人慶豐年萬國同簇簇靈壇稽后
帝葵葵古廟賽神農無村不醉椒盤綠有室都燒蠟
炬紅燁焮歡騰雷地動萬年天子頌無窮

老人又是一年過頭揀花吟倩古歌皇極冊中觀未
了太和湯裡醉偏多欲求大藥飛雞犬爭那微軀掛
薜蘿滿地春光花並笑偷閒學得少年麼

人日

龍雲花鳥集芳庭日漏紅光酒半醺誰剪綵人能改
貌空遺華勝作圖形稜眉日日瞻雙鳥蓋瞻年年抱

一經幾得中間靈萬物朝昏頭角變風霆

九日登高

并代林俊可友人擇兆

素賦山癯不辭勞况是良辰侶見招力怯只惟支杖
穩步艱未許怕山高登顛手把吹風帽出險肩拖決
汗袍塵裡出塵憑一跳乘空幾欲駕扶搖

龍山佳興却非空杖履相携度好風過去雲衣沾水
白行來霜葉開村紅小茶一刻留荒寺半路三人問
老翁踏遍仙牛歸未晚斜陽頭上叫飛鴻

崇文書塾獨坐

獨坐荒齋氣似虹門牆蕭散各西東鳥歌百舌一天

白花笑扶桑滿日紅非為黃流思北海常看墨塌愛
南宮汾亭事業將誰授半幅青氈傲歲窮
且向醴幃了歲終形骸豈類舊冬烘一琴山水將誰
聽半鼎丹鉛只自充何處門中飛化雨可能席上扇
春風尼山的瓣真香在遮莫輕心付狡童

感歎

望斷天公有甚般心長心短作何觀昔年蘭譜書空
字舊日丹圖畫餅團學得仙雞談石窟還隨野鹿走
雲端尋常自笑顛毛禿皇路誰彈貢禹冠

春遊龍翔禪寺

不堪春色惱人眠無數桃花送雨天纔得一晴上方
界劈開兩目古城邊入林香氣拈生佛潑面紅光笑
野仙不盡園亭行樂處東溪南陌驟雲烟

漫興

形骸流浪作痴呆面目衣冠予世猜賣弄春光花幾
朵模糊仙意酒多杯浮雲滿眼都成白萍水虛舟且
自開一枕曲肱無夢到夢時如入宅中槐
翱翔身世總浮雲流滯虛堂千載云風月有緣天可
與烟霞無伴世初分清秋鴈過雲頭字涼夜星飛水
面文偃仰匡牀春夢好桃花源裏覓東君

早起題壁

高卧清齋日已紅
難將心事說窮通
昔年有志青雲上
今日尚留白簡中
廓落孤瓢耽活水
閒遊一杖趁光風
老來惟分裝聾啞
往古來今各不同
百歲人生不可知
休將日月恨遲遲
和他志氣何如酒
解得風情自有詩
面自清清終是假
衣裳楚楚究成痴
長年遺老身康健
還我天真亦小兒

過梅山龍聖寺

大羅顛頂獨支筇
翠影漫漫萬樹松
日出巖端遊餓虎
雨洗山背罩彎龍
一聯飛過雲頭鳥
數杵敲圓天

半鐘為問老僧何處去
閉關直坐最高峰

梅山祭掃先隴

二老人生平好佛
將買地營為壽域
囑余曰
梅山佛地早暮聽鐘
吾所樂也
遂從之墓
頂常有虎卧

何處先人探九泉
一杯黃土自年年
停雲午夜蟠龍卧
宿草三春踞虎眠
只為聽鐘常近佛
可能化鶴再歸仙
紙錢麥飯盤香處
滿眼花汀杜鵑

紫荆花

時在蔣氏書莊感咏

和光胡弗是田家
簇簇迎風度彩霞
春暖紅毡爭繞

樹陽晞赤米笑開花祥符應自歸三逕好色都來入
絳紗莫訝弟昆常隔面山南山北似天涯

海棠花

百媚娟娟愛殺人芳含竟體出凡塵寒生翠幙迎桃
葉暖入紅簾睡太真宿雨恐厭新粉面銀光猶照舊
朱唇隔牆桃李休誇豔應讓名花占好春

木槿花

庭前麗木發朝華日日長新艷可誇秀色堪餐君子
國紅顏直妬美人車閒宵挹露舒雲漢清書當陽鬱
紫霞若問東方評讚語長貧不用士咨嗟

老少年

又名鳳來紅

身披紫綬戴紅巾影照雲霞特地新提起伏波真骨
力換來羅結妙精神漫言紅葉顏將老猶見桃花色
轉春一夜高齋書未了更吹藜杖到仙真

過珠林訪友林允中并涂生雲楷延宿

衫履翩翩出草城龍山佳會賦嚶鳴邀人蓮社酷初
熟留客鱸壇詩正成半欒丹鉛楊子蹟一琴山水伯
牙情似藜光滿東堂夜高踞胡床對友生

珠林贈林允中

回翔徐步叩山靈放鶴先生戶不扃春滿池頭橫彩

筆秋高樓閣燄文星淵明有酒蓮花社楊子惟玄碧
草亭堪念青雲尚有路莫將秋柳歎遺齡

林有秋柳
詩自歎

珠林贈涂雲楷

汾亭事業木天長執爰年來極不忘已即春風新座
席還思冬雪舊門墻斯文骨月三朝錄吾道東南一
瓣香乍向招提方外宿不勝傳鉢夜燈光

知我

知我何如別有因當頭行素且逡巡思板桂閣多情
月留種花臺無數春一卷仙經同好客幾杯濁酒送
閒人青峰雲外蒲鞋走笑殺營蠅滿世塵

青蠅逐臭

青青襟子臭難傳逐臭偏多臭與綠蟲糞有靈多所
却嗟丸欲脫不知圓祇愁堅凍容無地最喜晴薰閣
有天騏驎一朝千里去轉思附尾却空懸

書懷

執爰亭臯欲傍汾敢將妙道著深文一心已厭靈公
鴈兩目難留春氏雲藥可長生聊自採書匪傳世總
堪焚春風招我圖南去好向花源探隱君

題鶴泉連氏增脩宗譜

白龍山下初生地玄鶴洲前世起家宦著清簾離境

虎庭傳孝善集神鴉困雲古堞千秋瑞照月名坊十里華一脈仙源瓜瓞遠聿教彤管再開花

生朝書懷

山人有好匪云癖落在塵埃獨異情大學前生王父夢神人夙骨呂仙評青天盤薄雲龍現霞幃圖楨瑞鹿明未有歸山皇歷遍詎遂尺寸了平生

種芝軒

五雲山下種芝軒隱几憑欄對玉田鳳尾竹高飛白日龍鱗松老上青天歸田作賦陶元亮出宰求丹葛稚川世出世間端的事何須遼海鶴翩躚

賦呈晴庄許公

閱罷簿書已散倚杖蒸容我伴烟霞南陽滿院花栽菊句漏當官藥煉砂相識何人存海內奇逢有幾合天涯空靈兩字公拈出化得詩家納畫家

九日登高不果

千山一望曉光來曳杖起燕少見陪寒沼景牽胡鴈過閒亭風掃木穉開青鞋再訪丹霞路白日同澆綠蟻杯莫負今朝佳節到新詩自唱繞花臺

齋中獨坐百感交集彙成長句六首

終朝如晦雨霏霏四海空囊坐此闈人我雙闕開色

界乾坤一抱合光輝數莖白髮忘今老幾句新詩省
昨非正憶盧敖方外士雲車風馬共誰歸

長年甘苦玩書城彷彿誰為見道明化雨稀微痴霧
重木天彌漫野桃生教言盡日調鸚鵡得飽終朝失
鷓鴣共恐春風蕭散後淒涼庭院不勝情

的脉斯文守寸箋一絲一介慎因緣形骸咫尺心千
里談論朝昏事百年雖愛藏山猶有富却疑傳鉢豈
無賢掀鬚大笑人朋事予是書傭覓幾錢

白眼明窗守歲餘青檀刺棘又誰如穆生豈為王無
醴馮子非關客少魚雪夜孤燈誰問道橋邊隻履欠

傳書歸楊歸墨人如鷺何若歸脩葺草廬

悔却當年拙守株漫天錦綉試鴉塗黃庭讀罷求丹
灶白社歸來念藥爐寡欲怕添心上大不才羞作世
間奴青山欲買無錢買空如知章在鏡湖

參觀時命愧英雄一段幽情訝不同未遇人龍俱入
化那能天馬自行空籠中鶴老雲間翼架上琴眠嬰
下桐昨已客窗人夢醒超然不是醉泥翁

三山五岳遊志決矣凌天翼具在由予自豐也

爰歌四章

奇書未著想猶龍落落光天秋意濃蟲响空階悲蟋

蟬花開滿院笑芙蓉諸君大具飛鵬相小子多於畫
虎容我亦仙彈山水曲陶然一醉酒千鍾

落拓終朝喜欲狂無情天地思茫茫筆頭如向風雲
過紙面虛搖日月光夜夜山僧枯竹院年年道士破
茅房本來面目依何處豈分書城老一王

打算生涯一杖錢無端秋思亂如烟經年不出函中
蠹此日難逃壳裏蟬窗外枯楊籠月照案頭殘燭聽
雞眠寒山萬里歸雲洞焉得門庭住幾年

逐日塵勞休便休夸翁遮莫不回頭金夫盡向卬山
守鐵棹孤奔漢水遊如我朱門途似夜傷人黃卷貌

先秋洞天敬叩千年主望有瑤臺一席留

海城紀畧

嘉樹龍葱月滿亭遙天輕汎鶴霜翎一城海氣浮三
島西地山光聚四靈洞有女花生聖藥井聯垣局照
天星神州赤縣如何似我已當陽任九齡

與同志宴坐閑談

坦率頻過道眼開猶龍妙理徹中菱半簾香意臨花
圃一榻清風到月臺玉塵揮殘同一笑金龜調就兩
無猜四靈不減神州地應有登遐出世才

中秋月四首

霜信盈盈白滿頭十年見月幾中秋
千家有酒惟供醉萬里無雲一洗愁
靈藥擬從天上探仙槎誰向世間遊
因思棘院燒燈士幾盼長空欲放眸

生平愛月月何求幾度逢君可自由
玉兔光中心普現金暮林下眼全收
雲浮南北隨行脚水汎東西任轉頭
無限圓融難此夕明年何處是中秋

遂廬天地寄逍遙對月中秋酒一瓢
萬戶明開當白晝一燈高掛在青霄
光浮珠樹空山露影汎金波大波
大海潮欲聽霓裳歌好曲仙風吹下
到長橋時長橋演劇當頭涼月儘堪携
平地何來涉漢梯天與人間同一

碧昏聯白晝了無鬢溶溶潭底含珠蚌
爛爛江頭厚角犀欲到玉樓臺十二
愴然如現海東西

悼內

內人李氏喪於六月十七日

脫乳歸來夙配締幾番盤錯痛深閨
嬰聯繡襪如飄瓦婦作荆釵似棄菱
銀漢有星常隔水簫臺無鳳那同栖
生前荼苦將誰語淚盡芳卿子夜啼

堪憐無盡恨長齋匍匐幃堂心事迷
侍老不辭三頓杖督兜常聽五更雞
淚流布帛聞匡篋口減肥甘却筋匙
佳境未嘗人已去空遺珠串結菩提

觀潮

造化爐中就鑄陶溶溶金水旺秋潮冶雲浴日兼天
湧撼岳排山動地號不洩尾閭爭上擁齊宗包幕共
東朝江頭催促西風緊突起三山挺六鰲
月色團圓照古濠碧天雲淡漲秋濤江頭笑兀開銀
屋海上憑空駕玉橋無數明珠龍女獻幾多綾襪洛
神朝蓬萊清淺何須問好乘長風看晚潮

梅岡覽興

地盡東南致不同村城一圻逼龍宮虹飛忽過雲頭
雨脉拜頻催浪股風十里山浮蜃屋現半江漁趁蚌
珠紅我來何處營三島險欲騎鯨看海東

客館消閒四首

論物莊仙物已齊仰觀天意不須題才人千古爭毛
穎官客終朝送馬蹄村裏醉沉千日酒床頭夢破一
聲雞只因無計拋心目拄杖行歌看日西

尊生自許最多榮遮莫浮夸送晚齡玩世空為雙眼
白磨人只此一錢青根枯大地何多草命立長天若
箇星鄒聖幾希端的處好從夢裏覺玄齡

大道相窺未有涯多將詩酒弄年華聲飛過雁天邊
陣影照寒梅水上花立雲殘更無幾輩傳燈清夜落
誰家超然被褐人間世漫作冬烘露齒牙

放浪形骸別肺肝非關遠過弄雙丸江頭欲渡雲俱
碧天外相思月滿丹醉倚蛟龍遊筆苑開招鶴鹿夢
花闌十年瞬息書城事待看長風振羽翰

遊仙巖

我生渺渺望蓬萊路入仙源喜見陪一色山光梵塔
影大千世界道門開花如散瀑青天雨鼓應空潭白
日雷巖上老僧猶健鶴翩躚兩足若飛來

紅葉

天工繪就布天章尤繪人間葉葉霜秋老山容偏爛
熒涼生樹色最輝煌杏花村隱人何處桃洞門非換

此鄉莫笑商飈無好景丹霞影裡見霓裳

鱗鱗霜葉錦紋齊吟盡山翁一杖藜若箇可當天子
戲幾行纔學美人題忽驚函谷雲拖樹莫問天台花
滿溪醉我秋光多好興夕陽猶挂數峰西

賦得白髮紅顏女

英妙芳姿欲醉春皤皤毛髮妬仙人恠來素女無全
相奪取飛瓊見後身月滿春山同一碧雪高華頂粲
千金咄嗟未有金閨字幾擬甌江老太真
生稊占取易文文天賦奇姿有冠軍獨樹紅梅俱載
雪一枝芍藥亂披雲雞皮夏氏春還少鶴髮仙姑酒

半醺無數風情絃疊奏白頭吟已續文君
青年白首說何歸大造生人定不違兩鬢新梳霜影
現雙眉高挂月痕微海棠深夜留紅燭暖玉寒宵伴
素幃老我金驪君莫笑匆匆尚主却依稀

附陳生承文作

豔韶華二十春一頭霜雪妙佳人花多帶芙蓉面
月貌猶傳羽翰身鬢下齊飛雙燕玉眉梢高挂高
鈞銀謾言對鏡顏如老誰向天台訪玉真
未成錦字效奇文艷質天生已冠軍滿面紅潮籠
素月盈頭白雪賽烏雲少姑或笑非余輩老婦佯

言是我羣倘得寫真圖畫裏嫁胡詎必怨昭君

一老翻書定有歸莫嫌老少歎相違玉簪髮際茫
無有粉傅眉彎失是非月夜師雄迷縞袖雪更紅
拂到紗幃蓬鬆不作攬袖看妙取生穉却自稀

重陽日隨場率曾公共集許晴庄公衙署限陽

字韻

不入龍山會裏忙叨陪公署過重陽乍敲銅鉢催銀
管如探瑤章出錦囊月露臺前憑醉飽蓮花幕下許
疎狂多情最是天工意留盼名花處士黃

重陽次日登霞遊峰在阿蘭若小憩

不耐人生守屋檐興高兩脚踏峯尖况逢佳節重陽
閨尤愛良辰接次添話入山中偏老健路經險處轉
香甜霞遊頂上神仙過蘭若庵頭雞犬暹

秋聲

蕭蕭颯颯不勝情商意偏多集草城未窳長噫空裏
籟無風多作耳邊聲誰家促織吟偏冷何處敲砧韻
轉清好似鈞天張白帝蒼茫一曲奏仙伶

秋色

暮收一洗景初明大地高天寶道呈草木無情空自
剪江山有意逼人清鮮花索笑黃拖院涼月邀朋白

滿城望望蓬瀛俄可到笙簫鶴背客來迎

重陽後七日隨場宰曾公同集晴庄公西軒望

月限金字韻

良夜招呼酒共斟許將明月作同心一輪天上精華
字萬樹人閒珠玉林話到三更成七字詩敲半刻重
千金等閒兔窟長生藥遍落黃花滿地陰

過龍翔禪寺留宿

坦率相過自有因青山蓮社作閒人清宵醉墨塗鴉
雀深夜狂言說鬼神恍惚高天梵韻响蒼茫遍野草
蟲呻挑燈無寐留僧榻話到東林月似銀

贈笑雲上人

者宿梅林不記春掃空心地了無塵瞿曇老骨清如
鶴古佛蒼顏瑞若麟座滿何人留玉帶樓高長日拜
金輪秋風一夜涼天碧正是蒲團物外身

宿龍翔阻雨

信宿淹留已半旬漫天淋雨阻遊萍般勤筍簍供僧
飯偃仰樓單睡老人珠串拈談空與色毛椎戲弄草
和真若非風拂雲頭霽幾向蒼波乘赤鱗

清嘯

因緣萬有看終軍長嘯清宵我自聞烏鳥有心空繞

樹青山無意那留雲花收晚菊聊充藥葉染寒楓且
對醺昨與遊僧參密旨心燈一點夜平分

端陽競渡

用冷生挺魯原韻

潑勝當場不計愁滿船旗鼓戰中流兩河爭奪三軍
幟一水齊驅萬火牛角黍當年誰下吊錦標此日更
無留丈夫共有飛騰志渾向天池薦早秋
江村金鼓鬧消愁催動龍舸駕碧流好似凌波飛彩
鷁還疑出水逐犀牛靈旗高捲誇無敵短棹齊張迅
不留堪歎羣兒爭沸水看來我意却如秋

競渡吊古

俱用挺魯韻

但逢佳節更何愁擊楫浮江振碧流只為忠魂當五
日多將義勇激千秋聲沉金鼓爭先渡影遁蛟龍不
敢留角黍相投憑一吊不勝饗士欲椎牛
行吟澤畔可誰言為問三閭泣老猿千載波濤猶解
怒兩涯旗鼓共鳴喧龍神詎復爭麋漚鮫室無暇挈
蜍孫直上河橋頻眺望南方多有未招魂

壽涂君丹文

芳華領袖最多春明係成均格外身江上鶴來餘月
色嶼前梅放遍風神豪情劉毅還多興逸致張和已
出塵近得三小賚聖草綵衣朱履醉仙人

蓮花

用涂生挺魯原韻

脈脈清香撲鼻來芳心一把向人開六郎出浴容何
艷妃子凌波步幾回自昔有名稱淨友從今誰號謫
似才涼生水殿黃昏後應許花魂到月臺
南榮景物自天來旖旎凝芳帶雨開君子風流題不
盡美人笑貌定誰回虛中有竅能通理洒脫無污是
妙才最是亭上波上立如臨九品妙仙臺

遊仙巖留別雲川上人

夙本同鄉十里俱高峰訪舊入名區昔年洒脫繩床
話爾日低回華座敷半語不留坡老帶一溪笑出遠

公圖匆匆橋畔分攜手曾記書臺舊迹無

壽余覺凡先生

南星齊照畫堂高石月尊書老更豪呼佛有名皆景
望置山無腹不兵曹家園客至登龍榻御苑人遊奪
錦袍興好開尊頻醉酒封章俄下紫雲濤

壽昆陽金處士

焯彼長庚引壽年昆陽猶見地行仙醉鄉酒裡餘長
日市隱廬中有大天文靖圖書知世受仁山道學是
家傳屏開紅樹丹霞麗滿座文星聚綺筵

壽樂成老人連亦韓七句

七日生辰



下

龍山鶴水太平春含笑鬚眉已七旬孝善一門真骨
力奇書堆案老頭巾花栽桃李排村塾犬吠雲霞待
比隣予亦生申逢道臘相將把臂做仙人

壽磐石李蘭草同學五句

仙李盤根本夙成世家風格券長生詔迎采石名方
大客對龍門價不平一覺前非君子哲滿腔天命聖
人清尋常爭羨登遐福為獻金芝遍鹿城

壽崇文書塾漫題

筆端章句弄沾沾糊混時光又一年窗外看花移好
日牀頭聽鳥叫先天生憎阮籍雙眸碧誰問孫登一

嘯玄到處踏雲還步月飄飄塵上半顛仙
題小影一首
絳霄留住謫來身放浪形軀寫未真畢世誰將心見
道終朝不欲眼看人天高井底蛙跳笑山豎雲中獮
斗輪風雨半窗同一寄聊將紙面托元神
賦得春色滿園闌不住
春色關心不自由主人何事闕林丘帷中書意難留
董洞裡仙源莫問劉幾處驂騮停紫陌誰家蜂蝶過
紅樓等閒識得東風面無限芳情到裏頭
登蔣二東翁江樓

孤樓突兀隔氛埃水碧山青潑眼開鵬背多天張月
窟齋頭有地逼仙臺風飛白雪鈴棉吐浪捲黃雲穗
麥來一瞬滄桑成底事高歌一曲振蓬萊

重憶方前雲居館舍并柬潘劉二東翁

千峰頂住梵王家無任盤桓幾歲華清磬敲殘山子
月沉魚叫出郭公花半單閣上眠春雨一丈溪頭踏
曉霞猛擬重來尋舊約高居雲屋弄丹砂

客館漫興

醜顏有酒便怡醺但率誰知是右軍十載箕星派版
築半生漢節落羶君肝腸楚越何須道面目蚩頑不

可云獨立長天風露靜幾多海外過浮雲
掃却當前撲眼塵伴為聾啞托因循杖藜山外多閒
世採藥溪頭一老人獨樹寒花空笑日千巖幽草未
生春清清高踞長松下相對青峰面面真
望斷青藍夢不成名山藏在一燈明偶從戲術通仙
伎閒傍幽人說道經冶鍛有方居柳下罐烹是處即
陽城家園種就生梯樹無限風光繫此生

窗前突生鷺粟一本

誰種花魂媚老身天公着意逗芳春江頭無復尋妃
子海角烏來見美人簇簇濃粧添索笑娉娉醉舞妙

傳神風姨月姐頻交會無數風流異樣新

八本書懷以示來學

自笑慳囊少一金沾沾館穀賺光陰朝霞海上貪看
鳥春雨齋頭罷鼓琴敢望人心趨鄙意難將吾意付
渠心經年疇煖光庭席抱住名山已到今

東湖北張鍊師

兀兀書城拙守株經年自恨失東隅頭添白雪春非
舊志在青雲老不蕪函谷騎牛堪問道崆峒築室冀
全軀天公肯借扶搖力一連南溟趁此圖

和晴庄許公春軒漫興原韻四首

思將丹鼎一身扛抱膝長吟臥北窗何處見光騰碧
漢尚留鶴影駐滄江聲飛焦尾琴三疊香趁蟠桃酒
一缸千載功成何日好押衙仙客得無雙
誰家雞犬碧雲鄉無任盤桓望彼蒼吏隱東方猶是
客書陳南面或稱王飛來蝶夢春方好散去蜂衙晝
不忙曳杖竹歌時極目海天空澗翠眉揚
茗啜清晨露一杯種花還自步花臺芳心冉冉拈枝
笑春色濃濃抱樹開深院誰留高士臥隔窻如見美
人來經年旋得風光好何用途時歎不才
斗室生春只自怡滿腔天地少人知雄談喜遇青雲

客得意高題白雪詩堂燕掠飛涼月影窗燈笑吐好
花枝桃源近在人間世正是漁津欲渡時

客窻漫興步前韻

肩輿未便入雲扛聊借尸居寤短窻適館待誰修馬
帳為文只自愧潘江摩餘丹洞書千笈貯得松軒墨
一缸生意濃拖煙草綠庭皋筍出竹雙雙

四靈山下彷彿仙鄉海外天高一色蒼寸簡頻教窺學
士孤燈誰是見先王百花臺榭春光好滿架圖書日
景忙賺過駒陰俄十載風輪何處得清陽

芳園飲罷謫仙杯剪剪輕風到玉臺花放野桃痴霧

重春生靈藥彩雲開山頭陣黑羣鴉過天外簫聲獨
鶴來首白紅燈圍綠酒誰超世網軼凡才

寒山得伴笑怡怡水綠山青世不知燕剪雲裾千片
錦鴈賈天詔數行詩焦琴古意懸空壁老鬢新花插
滿枝白眼長空遙一望銀河浮篙正橫時

七日生辰自詠

濟蘭殿上誕仙皇道德良辰憶不忘青鳥至今何處
去蟠桃佳會豈荒唐

峻峻志氣倚雲高瀟灑秋風已二毛為愛酒杯觀種
秫因貪仙米笑攀桃

懷舊

寸心千里一雙眸雲樹天邊相對愁却恨經年馳遠
道頻登江上望仙樓

默默相關只此心清宵攪我夢難尋敲風寒析時經
過吹月梅厓絕不禁

題履軒主人粉壁

素壁明窓映日開闢非城市靜非山花開三徑春如
醉一簾香風啟笑顏
行樂春秋只故山澆花盤石自消閒問誰識得東風
面翹首金鈴放白鷗

十笏幽齋對古琴銀蟾挂壁照清陰
謔家有烏臺四勿箴
醉舞庭前不翅春休將綵服換丹綸
室花作屏來月作茵

蔣氏家園移蘭一部于書莊幽香可愛

遺採東山抱一琴滿堂佳客孰知音
逕貽我當前有素心

窗前睡鳥

忘機小鳥亦多情詩向窗前作意鳴
射好將午睡結同盟

螢火

林深隱現誰將火天半高低似度星
讀愛他滿腹燄文明

蝴蝶

采采花心意若何飛來相相影蹉跎
逐牽動南華夢已多

夜坐

仰望遙天路已漫清清拂塵慢慢盤桓
水香到吾心有玉蘭

貽誤歎

貽誤由來莫與同，峻峻才望重荆公。一生嬌癖遂成
枉，福建子兮歎不窮。

誰把舊來入我薰，般般人類各羣分。美新一定當年
局，百世空教悔子雲。

蟋蟀

廉纖夜雨過簷頭，細說聲聲寫客愁。讀罷一燈留暗
壁，半牀詩思不勝秋。

寄樂成同志

執役書城不了頭，明年端作鴈山遊。靈峰洞裏仙姑
在，待問千秋與萬秋。

昔年有約樂成東，欲到天台訪石虹。玉洞桃花依舊
好，仙仙探取一溪紅。

寄樂成瞿雪如

散盡千金不可量，昇仙舊事說昆陽。我來同試刀圭

術，遙指虹橋拔宅鄉。

平陽有金姓者，傾資濟人，白
日冲舉，其址名為昇天基。

擬到天台訪齊次風先生

不向蓬萊殿裡逢，深藏道德憶猶龍。登堂欲見先生

面，華頂高居第一峰。

却老詞

老成寒矚意若何，空携一笑歎蹉跎。杜陵暖玉雖多

價贏得微軀轉太和
八八年來道不剛無人
不道是枯楊生稊豈異
生華術三少奇方有夏
娘

不向賺老詞

生有涯分智無涯古今
逐逐幾名家啣麟禿筆
成妖魅磨滅才人兩鬢
華

蓋世文章不足論子安
空叫落霞魂從今覓得
真生理雞犬雲間又一
村

自嘆

蘭好刪夷屈指無南山
剩得老愚夫白頭未了
傭書

債跨踔猶勒屋子哺

生平自笑多山癖隨處
高顛一杖藜何物困吾
檀席老翩翩雲鳥若籠
雞

觀窓前海棠有感

帶睡嬌痕不耐春雲愁
雨恨壓花神江天吹到
東風面照醒紅妝月一
輪

麟炳朱曦照海東小窓
牆角見新紅沉香亭上
誰同睡馬踏長坡恨未
終

喜見窓前芍藥初莖

為愛名花興造飛枝頭
纍纍獻珠璣三家宰相
君知

否眊目堂前金帶圍

燈花

本華光傳

變化仙軀未有窮華光曾此鬧天宮人生豈少靈明
火不若當窓一蕊紅

東友人乞蓮栽

剡溪別棹隔占星久慕銀塘接葉青割取敷頤君子
愛俄看香信到芳亭

遊春詞

匹馬長堤錦繡天春風扶醉古城邊忽然紅雨將花
落麟社橋頭着一鞭

遊仙詞

紅塵混迹幾多年鍊石為金術不傳一騎笙簫城郭
遠下方空望白雲顛

寄雲頂禪者

入山深處有相知曾付種種七字詩因憶白雲高閣
上一燈微雨熟梅時

禪人乞字於余率書答之

白雲招我入山家箕踞巖顛飽着花瞥見老僧提榼
至憑余一醉掃龍蛇
乍到山門無帶解笑圖零落舊溪邊硬黃一卷長信

手塗抹風鴉亦類顛
作字新傳古上方客從何處問明網有人欲效山陰
道莫道鴉賓不愛王
解衣不搗作何形帶醉仍痴弄筆靈只為上方多寶
閣曾藏真本菖蘭亭
並無奇字入三蒼老樹枯藤自我裝不信好瘦都是
癖將毋捧面見鍾王

落落詞

不滿前人論絕交同人占取兩三文誰知覆水翻雲
後剩得吾身似落苑

今將肝膽向誰傾對面都為吳越城一片丹心空自
好且携相酒聽鳴鶯

清齋獨坐有招予以觀齋者書此謝之

脫然無事守空齋相對孤燈一老柴莫看棚頭諸脚
色衣冠世上總優俳
妖容何以博吾歡眼近空花不耐觀為問黃衫老子
弟幾年出入帝金鑾

余將者矣思為日後封土計也

頰頰竹杖倩芝屨南北山顛反水涯覓取隴頭城一
座好將自認立碑牌

酒後

三餐不廢作書傭得酒還看似睡龍偶斷牀頭無夢
到不知何處五更鐘

惜春

聲聲小鳥叫春光開遍名花百靚妝不料東風多作
惡飛來紅粉滿書林

深院無人耐所思閉門風雨幾多時等閒一夢殘春
過花落池塘總不知

三月春風艷未收堪憐如錦百花稠河陽縣裏人如
夢蝴蝶紛飛過綵樓

寒雨瀟瀟春不留一門花事冷如秋誰敲羯鼓賡詩
詔詔得東皇急轉頭

聽蛙

近事心窩叫不平公私未辨向誰鳴廉纖雨過朦朧
月一夜無眠鬧草城

木筆花夏秋延發

擎將一筆出人頭笑吐奇葩倚鳳樓千古才人大手
作天闕地軸應風流

紅雲朵朵罩花臺應自臨川筆塚來笑兀木天靈氣
聚蘭亭舊本解重開

種感

元元總共白漫天嚼粒披紗過眼前命薄一生何地
好如痴如夢又年年
操觚誰可戰名場顛倒英雄不見長墨初斜封今又
是錢神飛舞筆神僵
招攜俗子比龍陽醜類咬桃笑一場座有伊川看作
妓有無心裏孰炎涼
堪笑東施向里矚居然自美不知春鉛華世態誰真
膺過眼春光一霎陳
突如飛鳥出雲端諦把人間試一觀亦是芸芸蟲聚

介相貪相啗幾盤桓
求仙誰是識真仙無日東方不眼前一去扶桑星暫
暫茂凌空自望長天

王昭君

馬上琵琶一美人長門隔斷草無春只因不買常年
畫眼殺蛾眉沒虜塵

呂留良

天蓋樓高見不先云亭梁父孰封禪興王有氣來長
白怎據南山駕老天

酷暑

天造炎炎煮地爐
陶人鑄物此中俱
安能跳出蒸炊界
獨造清水貯一壺

海城書塾偶筆

高齋南面自昂藏
閑字談經載酒忙
無奈江城多悍犬
嗥嗥只吠客星光

七夕乞巧咏

年年此夕轉相尋
天上人間隔此心
爭奈村庄多少婦
無人可得度金緘

朗圓禪者索題四時花景并代為酬和

山中寒谷暗生春
開遍紅花隔斷塵
世外仙家誰便

到客來一個問漁津
花雨成蹊幾度春
不教流水

出凡塵
深深獨閉巖門院
誰到溪頭欲問津

桃花

亭亭淨植有奇葩
特出污泥不染些
千古知心成獨

愛品題君子又誰家
清芬可愛異凡葩
不染青泥

半點些解得一心開
向處臺高九品別
無家

蓮花

仙仙隱逸殿羣芳
人自歸來花自黃
一色東籬多好

興况逢膏酒白衣王
深山落落占秋芳
無數花開

照眼黃題出家園
真妙景金鋪滿地
見慈王

菊花

驢背迢迢帶雪尋
香浮十里弄花陰
襄陽最是多情

思莫問當前鐵石心
巖畔溪邊何處尋
寒香數點

雪山陰長餘一種冰雪色獨有寒山付此心

梅花

午睡

密入鴻濛一段情
晝間不得睡
書城闕門更把窓櫺
閉只恐東風透眼睛

睡起

伊誰喚醒夢中春
戶外嚶嚶忒惱人
玉洞有花開未了
居隔斷一凡塵

寤後微言

桑榆景逼獨蕭蕭
談論何人比漆膠
午夜池塘風月好
安能喚起舊知交

夢夢塵寰直到今
更何一事愜精心
利名場上曾經

過總向邯鄲枕上尋

彷彿浮雪寄此身
栽花種柳為誰春
近來不禁肝腸

別戲弄風光假笑顰

不俾三彭孽老人
三台赫赫現威神
可堪名在丹臺

上猶是糊塗墮世塵

一孽龍虬能早死
宮庭色笑伊誰是
當年若作鶻鷹

看烽烟大地清如水

官骸強健一身輕
大藥壺中自在盈
登彼翰音天上

峇寧圖一笑學傾城

題海城蔣集軒東翁畫屏十二首

青牛一騎到關前，誰把長生問老仙。
紫氣紅雲因在處，還開玉局說靈篇。
老君過關

高山流水自年年，一曲舟中動數絃。
巖畔何人傾耳聽，滿腔心事已先傳。
伯牙鼓琴

巖端推罷自栖遲，閒看仙翁對奕棋。
一局山下還未了，不知柯爛幾多時。
吳質爛柯

山陰坦率偶經過，坐對閒堂意若何。
寫就黃庭經一卷，敢將新愛便籠鵝。
右軍寫經

金陵殿閣勢重重，雲氣頻多五色封。
阿堵傳神皆妙

筆俄觀壁上有飛龍。
僧繇畫龍

磻溪一釣幾多年，半似山人半是仙。
問與樵夫通小

問何時，西伯載高軒。
太公釣璜

一事耕耘已大奇，靈奇異獸又何知。
當前不費都君

力，正是厯山春到時。
大舜耕山

令伯才華世亦希，等閒自下讀書幃。
遺編一騎黃牛背，春草披頭送落暉。
李密讀書

桃李園中占好春，一番樂事總天倫。
坐花醉月詩成

否勝踏長安馬上塵。
李白燕園

通源溪水一塘亭，亭淨植最芬芳。
當前可愛真君

蘇東坡許輕心比六郎茂叔愛蓮

何年彭澤賦歸來數種東籬異樣開老眼婆婆人欲

醉白衣有酒到花臺淵明賞菊

翩躚驢背帽簷斜踏遍瓊瑤滿地花何處尋春春不

見好從庾嶺問小家浩然尋梅

戲贈桂林禪者

一笑風光鮮畫圖花前月下漫躊躇世間只欠摩登

法下呪楞嚴得也無

七夕秋思

幾見仙橋碧水橫長年隔斷不勝情人間多為愁天

上老我風光一草城

讀吳越春秋有感

一去扁舟汎五湖魚龍腹裏葬名姝鴟夷誰復憐烏

喙家有千金却自都

寄宸陽許鍊師

宸陽不減震陽名同學先生李一貞欲飲刀圭頭已

白相觀何日是飛昇

玉清宮裡笑相迎邀遇春光已半生白屑黃金何處

覓花前月下掉頭行

偶過涂雲楷別業

浪跡到君家酌酒裁詩日已斜
一卧清齋神未穩隔牆叫滿雨中蛙
萋萋芳草漫傷春綠酒紅燈醉老人
夢破一聲雷雨過窓虛有月弄花茵
茗啜高齋可半甌紅生暖日到簾鉤
清晨一飽供蝦菜穀穀催行喚乳鳩
漫言夷甫玩金龜一別岡頭任所之
漠漠村城寒食雨可勝烟樹望迷離

春遊浪跡到君家的酒我詩日已年一外清齊如

種南橋畔滿雨中蛙

莫羨芳草漫傷春綠酒紅燈醉老人夢破一聲雷雨

過空屋有月花齒

茗吸高齋可羊飲紅生暖日到簾鉤清晨一飽供飯

菜穀穀催行明

漫言夷甫玩金別開頭任所之漠漠村城寒食

雨可勝烟樹望送不

溫州